

"মিষ্টি বাচ্চারা - সুখদাতা বাবাকে অনেক অনেক ভালবেসে স্মরণ করো , স্মরণ ছাড়া ভালবাসা হতে পারেনা "

প্রশ্নঃ - বাবা প্রতিদিন স্মরণের অভ্যাস করার ঈঙ্গিত কেন দেন ?

উত্তরঃ - কেননা স্মরণের দ্বারাই আত্মা পবিত্র হবে । স্মরণের দ্বারাই পুরো বরসা নিতে পারবে । আত্মার সকল বন্ধন সমাপ্ত হয়ে যাবে । বিকর্ম থেকে মুক্ত হয়ে যাবে । সাজা থেকে রেহাই পাবে । স্মরণ যত করবে খুশিও ততই থাকবে । লক্ষ্য (মঞ্জিল) সমীপে অনুভব হবে । কখনও ক্লান্ত থাকবেনা। বেহদের সুখ প্রাপ্তির জন্য স্মরণের অভ্যাস তাই অবশ্যই করতে হবে ।

গীতঃ- শৈশবের দিন ভুলে যেও না . . .

ওম্ শান্তি । মিষ্টি -মিষ্টি রুহানি বাচ্চারা গানের এই কলির অর্থ বুঝেছে । তোমরা এখন জীবনে থাকতেই বেহদের বাবার হয়েছ । সারা কল্পে তো হদের বাবার হয়েছিলে । সত্যযুগেও হদের বাবারই থাকো । এখন শুধুই তোমরা ব্রাহ্মণ বাচ্চারা বেহদের বাবার হয়েছ । তোমরা জেনেছ বেহদের বাবার থেকে আমরা বেহদের বরসা নিই অর্থাৎ বিশ্বের রাজ্যাধিকার প্রাপ্ত হই । যদি বাবাকে ছেড়ে দিই তবে রাজ্য অধিকার পাওয়া যাবেনা । যদিও বা তোমরা বুঝিয়ে দিচ্ছ কিন্তু অল্পতে তো কেউ রাজী হয় না । মানুষ অনেক ধন চায় ; ধন ব্যতীত সুখ হয়না । ধনও চাই , শান্তিও চাই , নীরোগ কায়াও চাই । তোমরা বাচ্চারাই জেনেছ দুনিয়ায় আজ কি আছে আর কাল কি হবে ! বিনাশ এখন একেবারে সামনে উপস্থিত , এই কথা আর কারও বুদ্ধিতে আসেনা । যদি বোঝেও বিনাশ সামনে এসে গেছে তবুও কি করতে হবে তা জানেনা । তোমরা বাচ্চারাই বুঝতে পারছ , তোমাদের এমন আভাসও হয় - যে কোনও সময় লড়াই লেগে যেতে পারে , সামান্য অগ্নি স্ফুলিঙ্গেই দাবানলের মতো আগুন ছড়িয়ে যেতে পারে । দেরী লাগবেনা । আগেও কত সামান্য কথাতেই বড়সড় লড়াই লেগেছিল । বাচ্চারা জানে পুরনো দুনিয়া এই শেষ হলো বলে ! এইজন্য তাড়াতাড়ি বাবার থেকে বিশ্ব-রাজত্বের সম্বাধিকার নিতে হবে । বাবাকে সদা স্মরণ করলে অনেক খুশিতে থাকবে । দেহ-অভিমান আসার কারনেই সেই খুশিও গায়েব হয়ে যায় । দেহ-অভিমानी হচ্ছে যখন তবে তো নিশ্চয়ই বাবাকে স্মরণ করছ । দেহ-অভিমানে থাকা মানে বাবাকে ভুলে দুঃখকে সাথী করে নেওয়া । বাবাকে যত স্মরণ করবে , বেহদের বাবার থেকে ততই সুখের আমদানি করতে পারবে । তোমরা এখানে এসেছই এই লক্ষ্মী-নারায়ণ হতে । রাজা-রাণী আর প্রজার চাকরবাকর , অনেক তফাত ! এখনকার পুরুষার্থ অনুসারে প্রাপ্ত পদই কল্প-কল্পান্তরে কায়ম থাকে । পশ্চাতে সকলের সাক্ষাত্কার হবে - আমরা কতখানি পুরুষার্থ করেছি । বাবা এখনও বলছেন নিজের স্থিতিকে দেখতে থাক । মিষ্টি মধুর বাবা , যাঁর থেকে স্বর্গ রাজ্যের প্রাপ্তি হয় তাঁকে আমরা কতটুকু স্মরণ করি ! তোমাদের পুরুষার্থ-এর সমস্ত মূল হলো স্মরণে । স্মরণ যত করবে ততই খুশিতে থাকবে । বুঝতে পারবে , ব্যস্ একেবারে কাছে এসে পৌঁছেছি । কেউ তো ক্লান্ত হয়ে পড়ে , জানিনা মঞ্জিল আর কতদূর ! পৌঁছলে জানব পরিশ্রম সার্থক হয়েছে । দুনিয়ার লোকেদের এও জানা নেই ভগবান কাকে বলা হয়ে থাকে । বলেও , হে ভগবান ! আবার বলবে পাথর -নুড়ি -কাঁকরের মধ্যে , ভগবান সর্বত্র । সর্বত্রই যদি ভগবান তবে তাঁকে খোঁজা কেন ! এখন তোমরা বাচ্চারা বুঝতে পারছ আমরা বাবার হয়েছি । বাবার

শ্রীমতেই এখন চলতে হবে। যদিও -বা বিলেতে থাকো, সেখানে থেকেও শুধুই বাবাকে স্মরণ কর। তোমরা শ্রীমত তো পেয়েই গেছ। আত্মা বাবার স্মরণ ব্যতীত তমঃপ্রধান থেকে সতোপ্রধান হতে পারেনা। তোমরা বলো - বাবা আমরা আপনার থেকে সম্পূর্ণ স্বর্গরাজ্যের অধিকার প্রাপ্ত করব। যেৱকম আমাদের বাবা (ব্রহ্মাবাবা) বরসা নেন, আমরাও পুরুষার্থ করে তাঁর উত্তরাধিকারের গদিতে বসব। মাঙ্গা-বাবা রাজ-রাজেশ্বর, রাজ-রাজেশ্বরী হন; আমরাও সেইৱকমই হব। পরীক্ষা তো সকলের জন্য এক। অল্পবিস্তর তোমাদের শেখানো হয়, শুধুমাত্র বাবাকে স্মরণ কর। একে বলা হয়ে থাকে রাজযোগ বল। তোমরা বুঝতে পারো যোগের মাধ্যমে অনেক বল প্রাপ্তি হয়। আমরা কোনও বিকর্ম করলে অনেক সাজাও প্রাপ্ত করতে হবে, পথভ্রষ্ট হয়ে পড়বে। স্মরণের পথকেই মায়া বিঘ্নিত করে। তোমরা জেনেছ আমরা পবিত্র দুনিয়ায় যাচ্ছি। যে ব্রাহ্মণ হবে সে-ই নিমিত্ত হবে। ব্রহ্মামুখ বংশাবলী ব্রাহ্মণ হওয়া ব্যতীত তোমরা বাবার থেকে বরসা অর্থাৎ স্বর্গীয় রাজত্ব কাম্যে করতে পারবে না। বাবা বাচ্চাদের রচনা করেনই বরসা দিতে অর্থাৎ স্বর্গের রাজ্যভার তুলে দিতে। আমরা তো শিববাবারই। উঁনি নতুন সৃষ্টি রচনা করেন স্বর্গরাজ্যের সম্বাধিকার দিতে। শরীরধারীদেরই বরসা দেবেন আত্মারা তো ওপরেই থাকে। ওখানে তো বরসা বা প্রালঙ্কর কোনো কথাই নেই। তোমরা এখন পুরুষার্থ করে প্রালঙ্ক অর্জন করছ। যা দুনিয়ার কারও জানা নেই। সময় এখন সামনে এসে যাচ্ছে। সবসময় হুঁশিয়ার করছে অমুকে যদি এমন করে তবে আমরা তাদের উড়িয়ে দেব অর্থাৎ নির্মূল করে দেব। সবকিছু ধ্বংস করার প্রস্তুতি চলছে। বস্ব ইত্যাদি রেখে দেওয়ার জন্য নয়। প্রস্তুতি অনেকই হচ্ছে। বৃটিশ গভর্নেন্ট-এর সময় পাকিস্তান, হিন্দুস্তান ছিল কি? লেখা আছে যবনদের লড়াই। পাণ্ডব আর কৌরবের লড়াই নয়। চিরকাল যবনরাই লড়াই করছে। বস্ব সব প্রস্তুত। বাবা এখন আমাদের নির্দেশ দিচ্ছেন আমাকে স্মরণ করো, তা -না হলে পশ্চাতে অনেক কাঁদতে হবে। পরীক্ষায় পাশ করতে না পারলে জলে গিয়ে ডুবে মরে। এখানে তো রাগের কথা নেই! পশ্চাতে তোমাদের অনেক সাক্ষাত্কার হবে। আমরা কি - কি হব তাও জানা হয়ে যাবে। বাবার কাজ হলো পুরুষার্থ করানো। বলছেন, বাচ্চারা কর্ম করতে করতে স্মরণ কোরো, ভুলে যাচ্ছ বা সময় পাচ্ছ না! তো ঠিক আছে, ব'সো। স্মরণে বসে বাবাকে স্মরণ করো। নিজেদের মধ্যে তোমরা মিলিত হয়েও এই চেষ্টা করো আমরা বাবাকে স্মরণ করব। মিলিতভাবে বসে স্মরণ করলে তা স্মরণের পথকে সুগম করে তোলে। মূল উদ্দেশ্য হলো বাবাকে স্মরণ করা। এখানে, সংগঠনে আস বা না-ই আস। কেউ বিলেত গেলে তো আসতে পারবে না। ওখানে গিয়েও একটা কথা মনে রেখো; বাবাকে স্মরণ করেই কিন্তু তমঃপ্রধান থেকে সতোপ্রধান হতে পারবে। বাবা (ব্রহ্মাবাবা) সর্বদা বলছেন শুধুমাত্র একটা কথাই স্মরণে রেখো - শিববাবাকে স্মরণ করো। বাবা বলছেন - মনমনাভব। আমাকে স্মরণ করলেই বিশ্বের মালিক হবে। আসল কথাটা হলো বাবাকে স্মরণ করতে হবে। কোথাও যাওয়া -আসা এসবের কথা না, ঘরে ব'সো আর শুধু বাবাকে স্মরণ করো। পবিত্র না হলে স্মরণ করতে পারবে না। এরকম তো কখনও হয়না যে ক্লাস -এ এসে সবাই পড়বে! মন্ত্র নিয়ে যদি কোথাও চলেও যাও, বাবা তো সতো প্রধান হওয়ার রাস্তা বলেই দিয়েছেন। এমনিতে সেন্টারে এলে নতুন নতুন পয়েন্ট শুনতে পাবে। যদি কোনও কারণে না আসতে পারলে, বর্ষা হচ্ছে অথবা কার্ফু চলছে তবে তো বাইরে বেরোতেই পারবে না; তাহলে আর কি করা যাবে! বাবা বলে দিয়েছেন কোনও সমস্যা নেই। যে কোনখানেই থাকো তোমরা বাবার স্মরণে থেকো। চলতে - ফিরতে বাবাকে স্মরণ করো। অন্যদেরও এই বলো যে বাবার স্মরণ করাতেই বিকর্ম বিনাশ হয়ে দেবতায় পরিণত হবে। শব্দই হল দুটো। বাবা বলছেন - এই শৈশব ভুলে যেওনা। আজ হাসছ কাল হয়তো কাঁদতে হতেও পারে যদি বাবাকে ভুলে যাও। বাবার থেকে বিশ্বরাজ্যের ভার সম্পূর্ণতার

সাথে নিতে হবে । এরকম অনেকেই আছে যারা বলে স্বর্গে তো যাব তারপর ভাগ্যে যা আছে । এরকম ভাবনাচিন্তাকে পুরুষার্থ করেছে বলা যাবেনা । মানুষ পুরুষার্থ করেই উচ্চ পদ পাওয়ার জন্যে । এখন যখন বাবার থেকে উঁচু পদ পাওয়া যাবে , তবে কি গাফিলতি করা উচিত ! স্কুলে গিয়ে না পড়লে তবে তো লেখাপড়া জানা সকলের কাছে নতজানু হয়ে থাকতে হবে । বাবাকে যথার্থভাবে স্মরণ না করলে তবে তো সেখানে গিয়ে প্রজারও চাকরবাকর হতে হবে । এতে কি আদৌ খুশি হওয়া ঠিক ! তাই বাবা বুঝিয়েছেন - বাধ্য এবং মনোযোগী মিষ্টি মিষ্টি বাচ্চারা বাবার সামনে বসে জ্ঞানপ্রাপ্ত করে রিফ্রেশ হয় অর্থাৎ আত্মার ভাবকে জাগ্রত করে । অনেক বন্ধেলিয়া (ঘর-গৃহস্থালীর ঘেরাটোপে আবদ্ধ স্ত্রী লোকেরা) আছে ; কোনও তো অসুবিধে নেই , ঘরে বসেই বাবাকে স্মরণ করো। তোমাদের কত সহজ করে বুঝিয়ে দেওয়া হচ্ছে , মৃত্যু সামনে উপস্থিত , হঠাত করেই যুদ্ধ শুরু হয়ে যাবে । সবসময়ই তো একজন আরেকজনকে বলে চলেছে সামান্য গড়বড় করলে আমরা এই করব -তাই করব ! কিছু হবার আগেই বলে দেয় , বস্তু-এর অহংকার খুব । বাবা বলছেন - বাচ্চারা যোগবলের প্রতি একেবারে সতর্ক হয়নি , এরকম না হয় যে তোমরা সম্পূর্ণ তৈরী হওয়ার আগেই লড়াই লেগে গেল । কিন্তু ড্রামা অনুসারে এরকম কিছু হবেই না । বাচ্চারা পুরো বরসা এখনও নেয়নি এইজন্য এই নিশ্চয় হচ্ছে লড়াই -ঝগড়া হবেই , এবং তা হলেও বন্ধ হয়ে যাবে কেননা রাজধানী এখন স্থাপনা হয়নি । সময় লাগবে । পুরুষার্থ করাতে থাকছে, জানা নেই যে কোনও সময় যা কিছু হয়ে যেতে পারে । সবকিছুর স্থানচ্যুতি ঘটে ; এরোপ্লেন , ট্রেন ইত্যাদিও স্থানচ্যুত হয় , মৃত্যু যেন সবসময় শমন হাতে দাঁড়িয়ে আছে । ধরনীও দুলে ওঠে । সবচেয়ে বড় বিনাশ হবে ভূমিকম্প । কিন্তু বিনাশ হওয়ার আগে বাবার থেকে বিশ্বরাজত্বের সম্পূর্ণ অধিকার প্রাপ্ত করতে হবে এইজন্য অতি আনন্দে , ভালবেসে বাবাকে স্মরণ করতে হবে । বাবা আপনি ছাড়া আমাদের দ্বিতীয় কেউ নেই শুধুমাত্র বাবাকে স্মরণ করতে থাকো । কত সহজ এই রীতি যেন ছোট ছোট বাচ্চাদের বোঝানো হচ্ছে আর কোনও কষ্ট দেব না , শুধু স্মরণ করো । আর কামচিটায় বসে যে তোমরা জ্বলে পুড়ে মরছ , তা' এখন জ্ঞান চিতায় বসে পবিত্র করে নাও । তোমাদের জিজ্ঞাসা করা হয় আপনাদের উদ্দেশ্য কি ? বলে দাও , যিনি সবার বাবা তিনি বলছেন মামেকম্ স্মরণ করো অর্থাৎ আমাকে স্মরণ করে নিজেদের বিকর্ম বিনাশ করো এবং তাতে তোমরা তমঃপ্রধান থেকে সতোপ্রধান অবস্থায় পরিণত হয়ে যাবে । সকলের সদগতিদাতা এক বাবা । বাবা এখন বলছেন - আমাকে স্মরণ করো তবে আত্মার ওপর যে মরচে পড়েছে তা' ঝরে যাবে । এতটুকু এই বার্তা তো সকলের কাছে পৌঁছে দিতে পারবে ! নিজে স্মরণ করলে তবে অন্যকেও স্মরণ করাতে পারবে । অন্যকে মন থেকে বলতে হবে নয়তো তা' হৃদয়ের ভাষা হবেনা । বাবা বলেন - যেখানেই থাকো যত সম্ভব শুধুমাত্র বাবাকে স্মরণ করো । যদিওবা খাওয়া দাওয়ার কষ্ট ইত্যাদি হয় । তবুও ঘরেই তো থাকবে । ঘরে থেকে আমাকে স্মরণ করতে হবে , যে-ই মিলিত হোক এই শিক্ষা তাকে দাও - মৃত্যু এসে সামনে দাঁড়িয়েছে । বাবা বলেন , তোমরা সকলেই তমঃপ্রধান , পতিত হয়েছ , এখন আমাকে স্মরণ করে পবিত্র হও । আত্মাই পতিত হয় , সত্যযুগে হয় পবিত্র আত্মা । বাবাকে স্মরণ করেই আত্মা পবিত্র হবে এছাড়া আর কোনও উপায় নেই । এই বার্তা জনে জনে দিতে থাকো তবে অনেকেরই কল্যাণ করা হবে এবং কোনও কষ্ট দেবনা । পুরুষোত্তম মাসে (শ্রাবণ মাসে) শিবমন্দিরে গিয়েও বোঝাও যে শ্রেষ্ঠ পুরুষোত্তম কে ? সত্যযুগ আদিতে এই লক্ষ্মী-নারায়ণ পুরুষোত্তম ছিলেন । ঐনাদের এইরকম বানানোর কারিগর অর্থাৎ স্বর্গের স্থাপনা করেছেন বাবা । সকল আত্মাকে পবিত্র করে গড়ে তুলেছেন পতিত-পাবন বাবাই । সর্বোত্তম থেকেও উত্তম পুরুষ গড়েছেন এক বাবা । যিনি পূজ্য ছিলেন পরে আবার তিনিই পূজারী হয়েছেন । বাবাকে স্মরণ করার পথ অন্যকেও বলে দিতে হবে । বয়োজ্যেষ্ঠ বৃদ্ধাদেরও

এই সেবা করা উচিত । বন্ধুবান্ধব -আত্মীয়স্বজন সকলকে বাবার পরিচয় দাও । "বলো , শিববাবা বলছেন আমাকে স্মরণ করো তবে স্বর্গের মালিক হতে পারবে ।" নিরাকার শিববাবা সকলের সদগতি দাতা বাবা , সব আত্মাকে বলেন - "আমাকে স্মরণ করলে তমঃপ্রধান থেকে সতোপ্রধান হতে পারবে" এইটা বোঝানো তো সহজ । বৃদ্ধারাও এই সেবা করতে পারে । এই-ই হলো মূল কথা । বিয়ের অনুষ্ঠানে যাও বা শ্রাদ্ধানুষ্ঠানে , যেখানেই যাও , সবাইকে শোনাও । গীতার ভগবান বলেন - "আমাকে স্মরণ করো" , এই কথা সকলের পছন্দ হবে । বেশী বলার দরকারই পড়বে না । কেবলমাত্র বাবার বার্তা পৌঁছাতে হবে যে , বাবা বলেন - "আমাকে স্মরণ করো ।" আচ্ছা ! এইভাবে মনে করো , ভগবান প্রেরণা দিচ্ছেন । স্বপ্নে সাক্ষাত্কার হয় , কণ্ঠস্বরের আওয়াজ শোনা যায় - বাবা বলছেন আমাকে স্মরণ করো তবে সতোপ্রধান হয়ে যাবে । তোমরা নিজেরা শুধু এই চিন্তা করলে তবে এই সৃষ্টি সংসারের বেড়া পার হয়ে যাবে । বাস্তবে আমরা বেহদের বাবার হয়েছি এবং বাবার থেকে ২১ জন্মের জন্যে স্বর্গ রাজ্যের ভার গ্রহণ করছি , তবে তো খুশি থাকাই উচিত । বাবাকে ভুলে যাওয়ার জন্যই কষ্ট পেতে হয় । বাবা কত সহজে বলেছেন - আমাকে স্মরণ করো তবে সবাই বুঝবে এদের মানে তোমাদের একেবারে ঠিক রাস্তা মিলেছে । এই রাস্তার হৃদিস কখনও আর কেউ বলে দিতে পারেনা । সময় এমন হবে যে তোমরা ঘর থেকে বাইরে বেরোতে পারবেনা । বাবাকে স্মরণ করতে করতে শরীর ছেড়ে দেবে । অন্তকালে যে শিববাবাকে স্মরণ করবে . . . পরে নারায়ণ ঘরানায় বার বার জন্ম নেবে । লক্ষ্মী-নারায়ণের রাজত্ব আসবে । প্রতি বারে রাজপদ পাবে । ব্যস্ শুধু এইটুকু যে ভালবেসে বাবাকে স্মরণ কর । স্মরণ ভিন্ন ভালবাসবে কিভাবে ! সুখ পেলে তখন স্মরণ করে থাকে । দুঃখ দেয় এমন কোনও কিছুকে ভালবাসা যায় না । বাবা বলছেন - আমি তোমাদের স্বর্গের মালিক তৈরী করি এইজন্য তোমরা আমাকে ভালবাস । বাবার মতে তো চলতে হবে ! আচ্ছা -

মিষ্টি-মিষ্টি হারানিধি (সিকিলধে) বাচ্চাদের প্রতি মাতাপিতা , বাপদাদার স্মরণ -স্নেহ আর সুপ্রভাতা রুহানি বাবার রুহানি বাচ্চাদের নমস্কার ।

ধারণার জন্য মুখ্য সার :-

- ১) পড়াতে কখনও গাফিলতি কোরোনা , লড়াইয়ের আগে বাবার থেকে রাজ্যাধিকার পূর্ণরূপে গ্রহণ করতে হবে ।
- ২) শ্রীমত অনুসারে বাবাকে খুব ভালোবেসে স্মরণ করতে হবে ।

বরদান :- সম্পূর্ণ বৃক্ষের জ্ঞানকে স্মৃতিতে রেখে তপস্যারত সত্যকার তপস্বী ও সেবাধারী ভব !

ভক্তিমার্গে দেখানো হয় , তপস্বী বৃক্ষের নীচে বসে তপস্যা করছে । এর একটা রহস্য আছে । তোমাদের বাচ্চাদের নিবাস সৃষ্টিকৰ্পী কল্পবৃক্ষের মূলে । বৃক্ষের নীচে বসার দরুণ সম্পূর্ণ বৃক্ষের নলেজ বুদ্ধিতে স্বতঃই থাকে । তাই সারা বৃক্ষের জ্ঞান স্মৃতিতে রেখে সাক্ষী হয়ে এই বৃক্ষকে দেখ । তবে এই

নেশা , খুশীর উদ্বেক করবে আর এর থেকে ব্যটারী চার্জ হয়ে যাবে এবং সেবা করতে করতে তপস্যাও সাথে সাথে হতে থাকবে ।

স্লোগান :- শরীরের অসুখ কোনো বড় কথা নয় কিন্তু মন কখনও যেন অসুস্থ না হয় ।